

զիրն զՏէլի Հիւսէին փաշան որ ժԴ տարի պահէր զկղզին Կրիտու և ի քրիստոնէից Փռանկաց բազում աւանս առնէր, զեկեղեցիս քակէր, զերկիրն աւար հարկանէր և զերի վարէր և զամենայն սպասք եկեղեցեաց ի ծախս հանէին, ամենայն զօրք նաե մեծամեծք իւրեանց ի սպասու ունէին. և անդ շինէր մըզկիթս և կարգէր խմամս՝ բազմացուցեալ զթուրքս: Եւ ինքն յաղթող ի պատերազմի բազում անգամ ի մահուանէ ազատէր եւ քաջութիւն նորա յամենայն երկիր հռչակէր: Նստէր անդ՝ հայէր, մնայր, ջանայր զի զամենայն բերդս կղզոյն առնէր և բովանդակ իւրեանց լիցի: Վէլիրն առաքէ զիր թէ Ղափուտան ես, ել և ե'կ. պատրաստեալ՝ զքեզ զի երթիցես: Եւ նա ել վաղվազակի ուղիղ սրտիւ և ուրախ մտօք ի առն վէլիրի, երկիրպագանէր նմա, և նա սամուրս մուշտակս մատուցանէր նմա, յոր սովորն են: Եւ առաքեաց թաղլիսճի առ թագաւորն ասել զգալուստ Հուսէինին. և նա կոչեաց և նա ղլաթեաց: Եւ մտեալ վէլիրն առ թագաւորն ասէ. Ահա՛ օր է ընդունելի: Եւ զի յառաջագոյն ծանուցեալ էր նմա և ասացեալ¹⁾ թէ Այսքան ամ է որ զերկիրն ունի և ինքն հարստացեալ, և քեզ զի՞նչ առաքեաց յամենայնէ. ո՞ւր է համար, ո՞ւր մուհասէպէ. զքեզ փոքրութեան համարին, և այլ բազում: Կամեցաւ վէլիրն յետրէնէ սպանանել զնա, բայց մինչ Հուսէինն անդ եկն, վէլիրն ի Մաճար էր որ Եանսօվայ ասի: Եւ Հիւսէինն ասէ առ թագաւորն զամենայն արարք իւր վասն շահի իւրեանց. և արքայն ասէ. Զի՞նչ բերեալ ես յերկրէն ինձ: Եւ ասէ Տէլին. Բազում ճէվահիրս ունիմ, և հանեալ ամանսով զատամունս իւր ցուցանէ նմա: Եւ ասէ թագաւորն. Զի՞նչ քաջութիւնս արարեալ ես. և նա

1) անցեալ.